

四庫全書

集部

欽定四庫全書

集部

石倉歷代詩選卷二百四十一

詳校官庶吉士臣范逢恩

侍讀臣孫球覆勘

總校官進士臣朱鈐

校對官庶吉士臣滿宸筠

謄錄監生臣馮瑋

欽定四庫全書

石倉歷代詩選卷二百四十一

明 曹學佺 編

元詩十一

盧琦

題待月亭卷

郡西古招提樓臺跨城邑小亭僅數椽日斜晚涼入君
侯曾此遊徘徊松下立開樽待明月月來海風急俗韻

忽已消素光良可挹天容萬里淨露氣千松濕酒闌賓
客歡詩就鬼神泣蹇余塵土蹤驅馳慚靡及時來弄清
暉每擬續佳什文園多病早浣花百憂集願言問嬋娟
何當謝羈縻

贈逸巖道人

逸巖方外士鶴髮雙眼碧常登虎山巔一覽天地窄飄
然駕雲還來作龍江客門前海潮生屋上嵐翠滴開窗
寫黃庭汲澗煮白石嗟余乖微尚十載事行役何時濯

塵纓從子叩玄牘

題陳允中山居

山妍雨初暗
洞窈雲常暝
琤琤碧澗流
落落青松影
遊咏有高人
誅茅臨複嶺
開窗嵐翠香
展卷白日永
興來即吟詩
客至但烹茗
抱琴戒出遊
蕙帳夜深冷

贈白雲

白雲亦何閒
竟日不下山
時從修竹裏
相伴一僧還
悠悠
悠覆松頂渺
渺歸岫間
奔走塵俗者
視君何厚顏

白雲精舍

幽齋白雲裏苔徑隱林樾空塔落葉多深竹書聲歇嵐
光翠以流爐烟暝常結涼飈拂長林猶疑絃吹發

蔣阜叢林

沈沈青蓮宇隱隱聞疎鐘桂殿荒蘚碧蘭塔落葉紅水
聲出溪竹石瀨鳴寒松東林有佳興解綬來相從

禪巖夕照

空巖夕照沒寒樓野僧定歸鳥帶殘光連雲度蘿逕禪

房掩暮山楓林起烟磬幽人獨去來凭軒足清興

寄張子震

南浦多芳草東風又落花相思頻入夢見說欲回家
奇字從人問新醕為客賒自慚羈旅者猶滯錦江涯

答王經歷庭訓

數日不相見文園病若何山城春事晚竹屋雨聲多
幕府官如水門庭雀可羅東家有賀老杖屨肯相過

遊吳廷用南庄

公事多餘暇看山到遠村雲莊依竹見樵徑過橋分野
水晴春碓巖松晝掩門所欣花縣適歸路任黃昏

鞦韆

綠窗美人閑深院燕語鶯啼春事半畫欄睡足四無人
空與東君說幽怨絲繩娘娘挂青烟羅襪纖纖翻翠袖
紅妝高出牆頭花繡帶斜飛亭際柳香風蕩漾春誰主
願學飛僊飛不去黃昏溪月浸梨花背立鞦韆悄無語

秋蚊

茉莉堂前月華吐飛蚊擾擾晴雷怒深閨小玉焚椒蘭
繡幙穿簾柳花度芙蓉夜卧銀燭滅綠紗如烟罩香雪
潛身飛入羅扇風耳畔營營宵不絕瓊肌一哂雨夢回
玉腕斜批守宮血屋外寒蟬自清素夜夜長吟飲花露

練湖曲

練湖七月涼雨過白水蕩蕩紅芙蓉芙蓉紅盡早霜下
鴛鴦飛去何匆匆茜裙女兒弄虛碧鳴榔聲斷無消息
清波小藻出銀魚落日銀山秋欲滴望湖接山雲茫茫

金史卷一百四十一
鳥飛不盡青天蒼丹陽使者坐白日小吏開甕春酒香
倚欄半醉風吹醒萬頃湖光落天影挂冠何日隱江南
短褐綸竿上漁艇

和韻答白明之

君厭區區簿領勞詩人相對便揮毫幽居最喜青山色
熟睡不知紅日高夜雨江湖談舊事秋風庭院試新袍
笑他名利途中客一似扁舟駕海濤

汀州道中

七閩窮處古汀州萬壑千巖草樹稠嵐氣滿林晴亦雨
溪聲近驛夜如秋雲間僧舍時聞犬兵後人家盡買牛
但得龔黃為太守邊方從此永無憂

臨河城外別丁景文

六月騎馬奔出郭故人相送高洋橋百年古郡千峰遶
萬頃平田十里遙客懷欲別且須酒溪月自來何待招
後夜相思定何處羣山疊疊雨瀟瀟

贈片雲上人

曾憶相逢月臺下清談猶自帶烟霞避喧却愛山中寺
訪舊還尋海上槎石鼎烹茶分野水紙窗敲燭看簷花
定知歸去松蘿密猶向雲間採藥芽

依韻答歐士中

客舍淒涼生綠蕪經年祇傍野人居樽空但買隣家酒
巷僻應回長者車白鳥夢殘楓樹冷黃花香老竹籬疎
相逢且莫談離別一別如今十載餘

病中懷王德輝

憶與故人分袂日遊魚吹浪動新荷一年又見黃花老
兩地相思白髮多月落千峰霜滿樹雨餘溪上水生波
知君囊底詩偏好寄與茅齋敵病魔

和朱仲綱赴杭韻

客中送子西陵渡落日寒烟滿翠微美玉無瑕和氏泣
尊鱸有興季鷹歸江城雁過秋生樹野店雞鳴月在衣
壯歲功名須努力只今搜士到柴扉

中秋寓逕江張伯雅席上作

征衫一路拂輕埃袖得嵐光渡水來月色不如今夜好
客懷應為故人開香隨桂子雲間落夢逐潮聲海上迴
醉倚西風賦離別明年何處共銜杯

寧德寄呈鄭德和參政統兵古田

省垣徵發羽書忙賤子元宵到上方光滿玉田千嶂月
寒生瓦屋五更霜野人已厭干戈苦官馬仍愁道路長
珍重老僧為相報元戎先已到杉洋

松江道中

兩袖西風此地過
清秋八月滿烟波
杭田萬頃連天遠
茅屋千家近水多
買得鱸魚供晚餉
聽殘稚子唱吳歌
年來自笑行藏拙
獨立蓬窗對素娥

題元符宮東秀軒又名日觀

茅山山下種玉地
道士闢為東秀軒
五色彩雲開日觀
萬株秋露濕雲根
竹園笋出牛穿角
松樹年深鶴長孫
一道天河橫屋過
奎光垂地映堂門

客中書懷

上東門外千山雨馬上羶衣病不勝每歲奔馳成底事
半生辛苦負殘經江村水退魚生釜野店厨空鼠食燈
多少客愁那遣得故園東畔菊層層

山行雜詠

拂拂輕風谷雨初綠楊堤上步紆徐竹林生筍長過母
巢燕撲蟲歸哺雛雨散溪流平岫漲雲開巖樹倚天孤
憑誰喚起王摩詰寫入秋毫作畫圖

再遊南庄

飛鳳山南樹色蒼疎籬野屋對蒲塘巖雲掩日收殘暑
溪雨迴風生午涼手種晚菰盈園嫩飯炊新稻滿厨香
叩門休認催租吏願借竹林飛羽觴

夢中得二句云萬里春潮隨月上數聲漁笛隔
溪聞覺而足云

竹篷窗外雨紛紛清夜詩人思不羣萬里春潮隨月上
數聲漁笛隔溪聞夢回身世猶蓬島望斷山家只白雲
最喜遭逢聖明世擬將事業對明君

題全安庄

野寺尋真幽更幽，僧知敬客喜來遊。
疎鐘幾杵江山暮，落雁一聲天地秋。
野鳥有情憐我去，林花無淚為誰愁。
而今惆悵滄洲別，不識重來有日不。

過吳江

興隨流水共悠悠，此地蘆花正滿洲。
落日片帆千里暮，西風長笛數聲秋。
衣冠空帶英雄淚，湖海難消浩蕩愁。
吹罷欲尋沽酒處，傍人遙指隔江樓。

寒夜懷京和韻

帝京別久夢想同鬱蔥佳氣凌青空石麟銅雀動涼月
玉樓珠箔來天風宮壺龍滴曉漏盡玉階馬滑春雪融
錦衣高唱少年子銀甕索酒蒲萄宮

阻風崔鎮有感

大風吹河河倒行阻風時節近清明南人北人俱上塚
桃花杏花開滿城雖云宦遊俱作客便覺此日難為情
河魚村酒亦足醉賴有同舟好弟兄

陸德陽杭州新居

武林城下文章客移得幽居近碧灣
聞說梅花開欲遍一舟衝雨到孤山

錢舜舉木芙蓉

紅粧初映酒杯酣斜倚西風轉不堪
霜後池塘秋欲盡令人惆悵憶江南

畫梅

枝頭春雪瑩芳樽綽約冰姿襲醉魂
翠羽影殘清夢覺

滿天霜月正黃昏

附貫雲石

桃花巖

白兆山桃花巖太白有詩近人建長

庚書院來京師時中書平章白雲相其成求

詩於詞林臣李秋谷程雪樓陳北山元復初

趙子昂張希孟與僕同賦詩

美人一別三千年思美人兮在我前桃花染雨入白兆
信知人世逃神僊空山亭亭伴朝暮老樹悲啼發紅霧

為誰化作神仙區十丈風烟挂淮浦暖翠流香春自活
手撚殘霞背天末幾回雲外落清嘯美人天上騎丹鶴
神遊八極栖此山流水杳然心自閒解劍狂歌一壺外
知有洞府無人間酒酣仰天呼太白眼空四海無纖物
明月滿山招斷魂春風何處求顏色

美人篇

仙風雕雪玲瓏溫吳姬剪月纖纖昏行雲補髻翠光滑
鳳凰叫落空山月手摘閒愁八字分春山恨重畫不伸

肌濃汗膩朱粉勻背人揮淚妝無痕霜亦自裂石榴裯
閉門不識諸王孫綠烟熏透藍田玉羅帶隨風換妝束
飛鳥銜怨過長門芳菲不忍辭華屋連環步窄玉珮響
霓裳袖濶春風長釧鬆腕瘦覺多情舉手搔天天亦痒
錦香帳冷蘭燈沈落花不入芙蓉衾三山路杳銀河深
彩鸞高訴愁人心天與美人傾國色不如更與美人節
夢裏梅花夢外身萬古千年對明月

君山行

北溟魚背幾千里負我大夢遊弱水蓬萊隔眼不盈拳
碧落香銷吹不起茜裙女兒懷遠遊遠人不歸明月羞
寶釵綰髻翠欲流風鬟十二照暮秋女媧煉石補天手
手拙石開露天醜瓊樓玉宇亦人間直指示君君見否
斯須魚去夢亦還白雲與我遊君山

別離情

吁別離之苦兮蒼梧之野春草青黃陵廟前春水生日
暮湘裙動輕翠玉樹亭亭染紅淚又聞垓下虞姬泣斗

帳初驚楚歌畢佳人閣淚棄英雄劍血不銷原草碧何
物謂之別離情肝腸剝剝如銅聲不如斫其竹剪其草
免使人生為情老

送王繼學

玉京高處雪流脂連插難冠綠鬢垂蹀躞有泥歌獨澆
琵琶無夢說相思黑河舊樂催填譜白海名花擬進詞
羽獵上林俱罷賦卿雲何以報明時

無題次馬伯庸韻

翠簾匝匝護朱光
千葉宮桃滿院香
閨苑有鸞通尺素
虛橋無鵲寄流黃
上林賦罷歸巴蜀
興慶詞工謫夜郎
不是月中親度曲
世人那解聽霓裳

相期來似石城潮
日望晴虹結綵橋
却月眉愁歌漸遠
凌波步近意非遙
抽琴有恨迴青角
疊袖無塵轉綠腰
弄玉最憐隨鳳去
秋來誰與伴吹簫

白髮詞臣兩耳垂
華腴堆笏陋牛醫
宮娥引燭催麻日
院吏傳更寫制時
蠟撚花生秋夕賜
翠標疊勝歲華移

低頭欲說唐朝舊願侍虛皇進玉卮

蘆花被 過梁山泊有漁翁織蘆花為被僕尚
其清欲易之以紬者翁曰君尚吾清願以詩
輸之遂賦果却紬

採得蘆花不浣塵翠蓑聊復藉為裯西風刮夢秋無際
夜月生香雪滿身毛骨已隨天地老聲名不讓古今貧
青綾莫為鴛鴦妬欸乃聲中別有春

石倉歷代詩選卷二百四十一

欽定四庫全書

石倉歷代詩選卷二百四十二

明 曹學佺 編

元詩十二

馬祖常

登雨花臺

積翠生層嶽凝光浴巨濤
吳城花覆井楚舸竹裁蒿
地近魚龍逼天空鷗鷺高
野橋皆蟠螭溪水盡蒲萄
雨石

欽定四庫全書

逢芝箭風林得鳳毛
臘脂兒女小
罨畫鬼神饗
六代都
銜壁三山尚戴鼇
故宮猶荏苒
古樹漫周遭
仙洞歌瑤
草人家宴碧桃
飯香非接浙
酒好不芻糟
綠霧春連閣
丹霞曉映袍
攀躋歡境勝
跋涉憚人勞
老我才還劣
清資愧重叨
採詩今有使
問俗似無曹
佳麗千年寂
聲名一世豪
歲時休澣日
攜手足遊遨

求趙伯顯畫家山圖用唐李中韻

春雁南來後
家書一紙無
山花應向日
陂水計通湖
瀛

特衣資絮生蠶薄藉蘆久宜拂白石強此伏青蒲琴客
分抄譜仙翁許借壺園紅榴火煉沼綠芡盤鋪嵐氣飄
蒼隙烟光鬱座隅呼雲橫蟬竦問月看蟾蜍倚杖心何
逸觀魚興不孤新開竹林逕併乞寫成圖

倚綠園

殖產吾何取開林我獨能縛船嘗取竹擣紙每移藤池
曲波濤小花繁霧雨蒸春雲同礎潤秋月共江澄鳳下
非因食魚來不可曾寫經還道士裹飯乞行僧筍屨新

青折荷衣舊翠凝浮甌茶有乳溢甕酒無冰香炮留文
篆書囊剩繚綾清晨飧玉罷東坐日初升

題惠崇畫樹林

下瀨生秋響平林漏曙光蜀橙陰十畝閨荔熟千房不
聽樵夫伐無勞匠石傷靈槎上天漢全棟架明堂黯黯
雲垂幔霖霖雨濕墻雁奴呼伴審鳩婦擇棲詳路遠逢
仙宅天低近帝鄉春行苔履滑夕坐筍書香東絹刀誰
剪西園價兩償懸車清渭後白髮灑蒼涼

泉南孫氏園亭

鑿石通歸汐浮梁看浴暎鴨闌萍上翫鹿柵蘚生垣
蒼筤乘梔子簣蓄長竹孫書香芸辟蠹席暖錦裁鴉
交客登仙籍承家荷帝恩冰甌蜂蜜溜酒榼荔漿翻
吹簫花圓屋彈琴鶴舞園海雲春有態閨雪夜無痕
誰謂衣裳懶予今杖屨煩持鬚歌月地翹首望天門

史館閒題

騎馬到畫省冠佩趨几筵豈但文字美所樂長官賢京

國足府寺金穀相百千飛書日雜還奔命懼不先肅肅
館閣嚴操瓢續簡編上有日月光下有草木妍森羅大
象列俟此言語宣塞予昧儒學羣髦辱官聯遭逢賴明
世並喜身悠然

田居二詩寄元參議

積潦被原田潄水滿陂塘具我錢罇器刈楷飼牛腸周
垣無不具南東植柔柔欣欣條枝發向日欲奮張衆草
還芊芊朝雉鳴陽岡始旦荷畚去取糞城邑傍敢辭作

勞苦但願筋力強

上馬作將軍下馬充博士
販賣終無良葦食勤穡事王
朝列公卿田稅宣十二同里
相勞勉牛種更貸貫雖無
凍餒憂未可悅親志親志在
榮光祿養乃始貴為詩獻
儒宗秋穫見稔歲

留別沂州張君仲

揚舲下彭城分颿上沂水
與子作別離眷言重徙倚曩
在京華居連室同井里出則
鑣御聯入則衣袂比茲晨

金匱要略卷之四十二
各散去相願意未已我操田器歸子執州符仕慎勿輕
此身期以善自止

端午效六朝體

脩篁發秀林新荷疊芳池采絲擷霧縷紗縠含風漪
賅賓應樂律端陽正歲時馥馥蘭湯浴灑灑蒲酒持
漢宮闔草戲楚船張水嬉江心鑄龍鏡好用照湘纍

移梅

幽屏逐魚鳥沈跡傳隱淪所欣在林藪嘉植日以親
眷言

江介品紛葩號南珍遇我好奇服移根得良因井井十
畝園菁茅蔭澗濱縞裳擢玉質宜此空山春

春雲

高雲起城闕流離度庭樹依風拂迴塘波瀾光影注荒
林帶疎烟照日亂縈縷婉孌連浮陽空明映淒霧嵐翠
含玉暉景采滿巖嶼逍遙幽賞諧緬邈世娛阻

田間

中田蒔柔桑周垣列苑柳居然成農耕林廬頗完好朋

從時往來牆頭過樽酒意氣每酣造仰視北有斗豈知
念湘纍那復嘆暮叟丈夫貴立志文字託永久

古意

秋羅畫雙蝶涼颺透鮫綃攀紆翠襖積騰擎鳳盤翹公
子高宴集水閣芙蓉搖來禽丹砂紅石蜜春冰消歡情
光景洽壯意風雲飄所期國士知豈謂虞人招

齋宿太社署四首

朱門屹南起金水經北流繚垣外旁達周屋內廣修圭

玉承環藉碧鏤飾衣篝中壇土五色夏松露浮浮改容
事明神豈謂茲淹留

明世容謫薄依光秩散署束帶揖上官攝衣奉神御泉
冽器每滌芻香牲亦茹循壇習登降趨位就表署翼翼
清祀修濟濟百辟助願神錫茂祉農功相蕃庶

齋宮蔚清華前榮寫方壺石礎石芙蓉日景射銅鋪嘉
木蔭長夏階草宜露濡兵衛限謁雜簷網懸蜘蛛署書
督案盛設吏視茅苴端居見博士希武循庭除

樂工奏宮懸登歌布濩功祠官侍奠瘞靈輶下玄穹祝
辭求善歲侑我稌與種但無及人飢報祀百禮隆瑣瑣
大社令樂職朝上公

古詩

凌晨視園蔬綠色承露英命婦自採摘終朝掬不盈持
以充庖厨豈療飢腸鳴婆婆娑秋菰葉不受魚肉腥朝暾
煦寒畦中心含素馨

舟中望鄒嶧山

魯雲偃車蓋汶水流魚鱗操舟返任濟川梁號通津東
望鄒嶧山六丁鑿嶙峋靈巖溜泉乳仙遊道霞輶石髓
如可食吾將託茲身

度居庸關次繼學韻

飛輶陟雲嶽決背盡圖畫天氣吹高寒山雨灑長夏冥
冥白鳥去寂寂松子下陸行石當途水春泉饒舍高與
蜀道齊深乃盤谷亞荀輿約重來羸馬苦常跨朋從詠
連疊酬應給閒暇得見王子喬吾將驟鶴駕

西方樂

魯郊秋已深西樂多蒲魚日暮積霽重維舟月生初露
凉水禽宿雨晴艷芙蓉樹花結楚佩宛若湘南居

苦寒三首

肅肅歲已晏冽冽冰霰集寒雲光不流槁木鳴日夕挾
纒處南戶嚴稜坐相襲端然成離居念念穉陽陟
褰裳居重戶驚飈踏書帷穴地篝火持酒得水漸杲
杲日出光萬物待彼施豈無陽和節歲序非爾私

納履非遙征墻戶豈寡交今茲祁寒候火井凝冰泡離
人歎無衣原獸淫弓弔憂端坐耿耿雞鳴重嘒嘒

淵明始末圖

畫史謝文字託意在粉繪高人蹈古道終造玄澹會涉
世情豈真採菊心若寄持酒每自慰悠悠似相契

擬古

宗臺拂繁雲阿閣蔭廣路上有彈琴女文采被烟霧玉
食薦翠盤渴飲瑤草露鄙薄貧士妻終歲弄機杼

送衛大隱卜者

飲馬蘆溝河水寒傷馬骨牧羊居庸關草短餓羊腹君
行苦匆匆我且無握粟陟岡望高雲東南有黃鵠

葆真觀納涼二首

雲早熾初暑煩囂不可滌城隅有琳館松竹蔭午日呼
我良朋來嘯咏各抒憤蕭然忘世廬相對坐磐石
淪茗滌塵襟煩暑亦可忘團團篋中扇復開明月光况
此太清居林樾天風涼誰鑿河漢水為我雨八方

初日四首

初日照我樹我樹日華滋檀欒綠陰合四顧無曲枝盛
暑熾煩歎其中有涼颼成林蔭千畝棲息任所宜

初日照我屋我屋受陽光寒暖順時令風雨謹蓋藏
棟無文雕折棟取材良聖亦善居室苟完斯為臧

初日照我田陂水方滿塍既欣穉禾發復愛嘉木榮
臘獻酒食報賽歲事成告僕緩爾私先可輸王征

初日照我池我池水波生芙蓉冒紅影黃蠶蔭綠英龜

魚相浮游鳴雛弄新聲雖無臺與榭足自娛幽情

種桃

種桃南山麓三歲不得實種瓜東郊園擷之在百日豈
不思遲暮終焉有常食如何植瑤草千歲始一獲

過文著作家

誰住街西屋文昌著作臣茶甌宜客靜書帙覺予親栽
竹應棲鳳操觚定獲麟青藜明夜半北極動星辰

送王耆叟真人

秋暉上寒竹白鶴立蒼苔石洞松花落雲房澗水來彈
琴翻道曲搗藥應猿哀別浦迴船急孤山看早梅

送人之陝省幕和韻

綬帶驚沙鶴紗巾逐海鷗驪山泉未冷華岳樹先秋路
出汾陽里衣仍晏子裘風流蓮幕羨君豈歎淹留

送蘇子寧赴嶺北省幕

雞塞鳴啾嘶龍沙列夜營賜衣俱魯縞給餉盡吳杭野
井水生夏寒天雪沒晴藩垣資贊畫幕府正知名

謁告書懷

先子桐鄉地年來憶舊遊
山春花競發沙旭水閒流
屋青霞夜藤牀碧樹秋
防身龍具在強欲問吳鉤

泗州塔

梵塔層層出雲間
見象輪金光動淮水鐸語召川神
負載坤多力莊嚴佛有因
挺陶千萬億穹石刻銘新

舟中

叢薄縈雲曲岡巒引霧靈
舟輕風燕疾衣薄水螢侵
夜

久江喧瀨秋清竹滿林閒情任飄泊到處欲登臨

海子橋二首

朝馬秋塵急天潢晚鏡舒影圓雲度鳥波靜藻依魚石
棧通星漢銀河落水渠無人洗寒露為我媚芙蕖

南望蓬萊觀行人隔苑牆有時馴象浴不見狎鷗翔宮
樹飄秋葉江船認石梁癖雅真可作擬賦獻文王

送符鎮撫之官

金符傳拜將白羽看麾軍吹角弓橫月開旗馬望雲鬣

家書盡讀新府令初聞油幕風流盛吾歸詫隱君

贈里人別因寄祖義祖烈

萬里天南地逢君似到鄉欲同觀海嶼忽別上河梁楚
樹思題葉淮僧憶借航歸時報兄弟莫遣石田荒

再從浙入閩二首

江外淹留久那堪去復回水生客星瀨日出偃王臺
竈茶既至筠籠橘類來春雲又成雨著意落寒梅

積雨關河濕今朝日始晴浮船下夜瀨覓酒近春城
鶯

鴨將雛出牛羊傍母行獨憐無似客萬里又南征

次元禮弟韻

白鶴年歲老婆娑正爾嘉田居門近水野飯甌炊霞自
種千章木誰來萬里槎小亭燒藥處依約是仙家

遊華嚴寺

化國日遲遲招提獨往時鶴馴看梵磬猶定護齋糜貝
葉翻經譯沙塙應制詩庭前雙樹好長夏得風吹

出都

長城懷古處身在日華東水出盧龍塞山連碣石宮沙
鷗終自白霜樹忽然紅雲海鴻濛氣歸颿杳靄中

贈楊洞天道人

我自不入俗君今又欲仙鳥啼百花裏屋住萬山邊密
樹雲難過空潭月易圓題詩秋卷了為說小行年

次韻咏石

老石何年有依稀滿路旁無人愁飲羽有客坐亡羊戒
世能言晉傳書宜姓黃補天成五色何獨柱明堂

題惠崇畫

龍門千尺梧桐樹多在石崖懸絕處上有古巢生鳳凰
鳳凰臺高山水長吳蠶八繭白雲絲畫史落筆光陸離
江天萬里莫射雁春草年年出湖岸

所過

寧王玉笛吹鳳凰桐花秋露宮畫長開元天子忽思武
手中金箭照眼光何物羣婢出後房羽林孤兒射殺將
坐中凜凜無漁陽

上京書懷

燕子泥融蘭葉短，疊疊荷錢水初滿。
人家時節近端陽，繡袂羅衫雙佩光。
共笑江南五雜俎，畫鷁浮波供角黍。
沙苑射柳追風駒，古來此地為名區。

字夫人

未央天子香醺骨，夫人不貯黃金屋。
水銅無光滋秋月，留得當年舊蛾綠。
瑤臺夜佩聲闌珊，沈雲叫雁沙泉寒。
二十五絃彈鳳凰，玉釵小燕飛春山。

題織錦回文圖

桃葉渡江不用楫
織女烏鵲填河白
合歡樹下宜男草
色色不及羅裙好
織錦度曲聲亦柔
黃龍塞是契丹州
夫君戍歸定何日
樂府陳娘歌第一

秋意

張良廟前流水聲
歌風臺下曉雞鳴
行人舟中寐復起
此生亦欲成功名
白髮可憐升斗祿
持歸不足求田屋
揮杯看劍獨長嘯
萬里朝雲見晴木

湖北驛中偶成

江田稻花露始零
浦中蓮子青
復青楚船祠龍來買酒
十幅蒲帆上洞庭
羅衣熏香錢滿篋
身是揚州販鹽客
明年載米入長安
妻封縣君身有官

李後主圖

澤國中寒歲年晏
沙嶼潮痕明石棧
風吹半樹野梅發
天上書來問春雁
江南後主丹鉛手
畫盡冰絲世無有
宮中長畫諫囊稀
媚嫵吳娃雙進酒

送周南翁之官池陽

霏微桂叢綠霧深集仙書殿秋沈沈
九華山影墮酒醅便欲起拖青楓林
青楓林高霜葉赤遙遙連雲雁行急
蜀麻吳鹽來往時閒坐城樓聽江笛

題明皇端箭圖

銀牀墮露下高桐竹練含冰留麝籠
蒲萄酒作礪礪紅湘娥江邊採芙蓉
月華流影天漢東素商淒清颺微風
草根知秋有鳴蛩

用樂天韻因效其題咏閒意

綠絲車響雨來稀
菴畫圖中住翠微
村北村南桑扈叫
家前家後竹鷄飛
青憐藤蔓春牽屋
綠愛荷盤夏剪衣
更憶江天家萬里
行逢僧子借船歸

壽郝大參

退傅歸來髮尚青
角巾閒對老人星
鳳凰池上辭松閣
鸚鵡洲邊買竹亭
留客只談三里霧
見人寧問五侯鯖
慚無剛卯為公壽
他日淮南種茯苓

九日在告

青山到屋三十里瘦馬不能閒一過欲趁重陽浮菊葉
翻愁落葉下巖阿南瀉帶雨秋飛急北谷來霜夜杵多
病裏題詩遣野興何人攜酒與高歌

題若容

擊劍酣歌白日迷高情邈邈見天倪石潭藻舞魚深泳
花嶼春明鳥自啼架上道書研宇宙篋中衣帶剪虹霓
洞房清晝奩香轉坐聽東街馬過泥

錢塘潮

石橋西畔竹棚斜，閒日浮舟閱歲華。
金鑿懸崖開佛國，玉分飛瀑過人家。
風杉鸛下春鳴垤，雨樹猿啼暝蹋花。
欲賃茭田來此住，東南更望赤城霞。

蓋善長御史泗濱堂

泗水千年碧似藍，泗濱華屋締榱桷。
人從魯北耕春雨，山自徂徠供夕嵐。
方印只今垂組組，長蘂猶獨近書龕。
天邊倦客滄洲遠，卷裏題詩興未堪。

治書再和復次韻

西南春巷杏花牆
索米長安漢戟郎
市裏忽聞雞吐綬
海邊還報鳥含香
月移桂樹通階石
芝發銅池謝井牀
襍直閤門休沐晚
新詩刻燭賦千章

鄜陵別南客

層層林表白浮圖
古鄜城高旅望孤
秋雨喜沾梁土麥
暝烟愁合楚田蕪
行人北上隨沙雁
歸客南還對渚鳬
溱洧波清饒草樹
百年生聚尚繩樞

寄弘長老雲山

曙雨初生蟬竦橋荒山吟咀不移朝曾分禪榻春盤礪
更想雲山夜寂寥蠟紙題詩尋伴少那箇沽酒入城遙
佛龕千丈金銀界照世酥燈弟子燒

送安慶路教王中夫

南國烟花一萬重船浮春水正溶溶舒州城壯山偏護
博士官清印自封夜誦挑燈吟蟋蟀秋行攜酒採芙蓉
仙人李白今應在問訊時時過宿松

送蘇州卜者

幾歲京華賃屋居得官猶苦食無魚成都誰問君平卜
江左人知郭璞書春水浮空波緩緩秋機織字錦舒舒
虎丘剩飲千鍾酒醉裏高歌唱闌間

奉陪薦食英宗神御殿用繼學韻

乘石松陰偃翠虬先王曾此駐龍輶茂林弓劍隨天御
原廟衣冠奉月游藉玉已行周制度耐金那罰漢諸侯
百馨水陸修蘋醢望拜孤臣涕莫收

送客歸揚州

揚子江頭水拍天，人家種柳住江邊。
吳娃蕩槳潮生浦，楚客吹簫月滿船。
錦纜憶曾遊此地，瓊花開不似當年。
竹西池館多紅藥，日日題詩舞袖前。

送王參政上京奏選二首

滇池細馬踏龍沙，宰相朝天路不賒。
峽裏琴泉春作乳，月中珠樹夜成花。
三千禮樂尊儒術，百二山河壯帝家。
魚上禹門無點額，直郎宣奏日當衙。

千官吉日聽宣麻
白髮文臣帝汝嘉
池鳳有毛皆五色
葉珠無樹不三花
綠綈詔底書分雨
紅錦囊中字剪霞
天路北盤三十六
歸時秋月滿京華

送胡震亨巡簡

獵獵雙弓騎氣張
古來來逢拔試穿
楊清江鏡鑄芙蓉月
綠酒筵開玳瑁堂
稻熟萬塍初下水
橘垂千樹已經霜
藍袍包裹迎丞簿
莫負尚書薦鶚章

送毛真人還山

朱提仙印碧霞裳賜履承恩自尚方
雨灑石壇苔錦滑日穿油幌竹書光
葉鳧此日還滄海漢鵠當年下建章
琪樹萬叢芝萬本江南歸路水雲鄉

雜詠二首

百丈牽船沂上流清淮從古有三洲
浮山堰遂降王去淝水波因小謝收
紅樹有霜還可騎白蘋無雨更宜舟
平生自是多行役莫信吾家馬少游

濠梁無客更觀魚遊子行過莫問書
潮落沙痕鷗泛少

風回雲影雁行疎歸帆夜宿山前寺從索秋辭仗外車
俯仰此身天地內滄洲重去帶經鋤

西山

鳳城西去玉泉頭楊柳堤長馬上遊六月薰風吹別殿
半天飛雨灑重樓山浮樹蓋連雲動露滴荷盤並水流
巖岸龍舟能北望翠華來日正清秋

石城縣尉

石城縣尉坐寒廳日有新詩寫後屏官小不騎沙苑馬

書多空識楚江萍老兵束矢除階草佐吏休衙罷閣鈴
兄弟幾年為我友何時同舍究殘經

無題

三湘瀟灑恨無潮烏鵲填河願有橋丹穴鳳來龍樹遠
海門魚去蜃樓遙已知京兆誇高髻不信章華鬪細腰
船尾橫江春水急長年無事恨吹簫

次韻李行齋集賢

英聲籍甚著天門詩句年來與我論沙磧翳雲歌北塞

稻畦分水夢東北秋風八月推茅屋夜雨三更注酒盆
明日桑乾須繫馬翠華過處看承恩

寄姚參政上都

南薰清暑上京居六月涼亭正好魚雨嶺火明山芍藥
風田金動草芙蓉甘泉曉仗臨前殿京兆秋塵待屬車
侍從文臣行不送舊寮淹蹇意何如

寄贈揚州王鍊師

仙客吹笙踏月輪因遊淮海悞尋真松花擣月分貧士

柿葉題詩寄遠人
清水有潮留載酒
春雲不雨取裁巾
江都千樹隋宮樹
曾見先生綠髮新

挽何得之先生

手織烏紗日賣錢
全家移住五雲邊
伏生有女書空在
伯道無兒世共憐
北市行歌花爛熳
西亭坐嘯月嬋娟
少微光氣今年暗
知是詩隨過海船

開平事

金馬東門畫省西
千官花覆曙光低
九莖芝蓋雲衣合

百石銅盤露顆齊
鹿柵已營脩竹塢
燕巢還補落花泥
上林伏日金桃熟
鸚鵡來時不敢棲

還過龍門

紫塞秋高鳳輦回
龍門有客去還來
蕩摩日月崑崙圻
吐納風雲混沌開
天帝有神司主宰
地靈無力載崔嵬
誰吹石瀨成飛雨
不使時人污酒杯

光山縣孔宰幽風亭

光山近在故山西
樹滿岡頭稻滿畦
隣屋讀書相教授

社祠酣酒共提攜
水牛礪角嫌耕淺
野繭抽絲喜價低
春雨行田無從吏
獨騎羸馬畏青泥

次韻進士宋顯夫海岸春行

靈沼春波殿影高
行人苑外望蟠桃
街塵曙雨沈紅霧
宮瓦晴霏動翠濤
鳥度鏡中還避彈
魚跳船尾不因篙
曲江別有新承晏
笑我官曹似馬曹

菊枕

東籬采采數枝霜
包裹西風入夢涼
半夜歸心三徑遠

一囊秋色四屏香
牀頭未覺黃金盡
鏡底難教白髮長
幾度醉來消不得
卧收清氣入詩腸

題猿圖

江渚無來雁
山樊有宿猿
秋高盧橘熟
巴月樹連村

送客西歸

陸機初入洛
王粲却歸秦
春草無愁思
楊花送遠人

獨石

秋瀨喧石梁
臨流不肯渡
與客坐忘歸
山寒日將暮

節婦馬氏

織素鳴機曙未分
寒風吹裂嫁時裙
官家莫去催租賦
嬌女無心刺繡文

楊妃墓

漢廟衣冠照碧嶙
唐陵翁仲作黃塵
馬嵬坡上棠梨樹
猶占秦原幾日春

驪山二首

繡嶺春來綠樹圓
東風吹影入溫泉
華清夢斷飛塵起

玉雁銜香墮野田

玉女泉邊翠藻多
石池涵影媚宮娥
可憐繡嶺啼春鳥
猶似梨園弟子歌

春日即事

梨花白罷海棠紅
誰為韶光次第工
小閣捲簾春事晚
却看蝴蝶過庭東

送胡古愚還越二首

越江秋水得霜清
夜夜天南婺女明
客子布衣風又急

世間無用是才名

秋樹紅時客欲歸
江寒潮細鷺空飛
東陽有酒賒來飲
莫問桐廬借釣磯

閩浙之交二首

月出山頭犬吠雲
隔林鐘磬鶴應聞
老僧見客閒留坐
風落松花滿寺門

路入閩中盡翠微
家家蕉葛作秋衣
石牆遮竹松圍屋
時有丹禽哺子歸

趙氏宗室畫水石

生平已識趙王孫竹素何年畫石根萬里南雲秋似水
直容艇子到柴門

題左司帖郎中扇頭

縹禽閒上海棠枝彷彿江南二月時蘭署名郎心似水
冰紉底事送涼颺

潘居士施飯

飯飽千僧洗鉢歸生臺饑烏拂簷飛山中文室維摩病

獨向長松掛衲衣

和史參政韻

五雲天近畫香殘
紅白花枝滿藥欄
一夜東風吹小雨
殿頭持卷隔簾看

流鶯

喬木繁陰晝景舒
檀栿綠色滿階除
京都三月花飛盡
纔聽流鶯一轉初

丁卯上京二首

山雨晴時已是秋苑中行殿日華浮長楊十萬旌旗宿
不使飛霜入畫樓

離宮秋草仗頻移天子長楊羽獵時白雁水寒霜露滿
騎奴猶唱蹋歌詞

樞府書事

官冰一尺石盤光丹果秋來雨後香
太平書檄少
坐聞松露滴清商

蔡琰圖

金匱要略卷之四
卷二百四十二
邊月還如漢月圓
龍堆沙水咽哀絃
文姬此夕穹廬夢
應到春閨舊鏡前

代悼亡為陳云嶠作

燕子樓空花不開
繡簾天晚月初來
手痕留在紅牙板
猶有餘香妬落梅

秋雁送客

千里清淮秋雁飛
山人歸去芟荷衣
明時莫怨身無用
獨向天南占少微

絕句三首

春雲五色建章西
流水平橋兩岬低
客子年光偏易失
御溝楊柳報鶯啼

一春不得見花開
何況飛紅墮酒杯
今日城南花萬樹
看花不肯放春回

九陌初晴拂紫埃
春衣花滿趁春回
丫丫小女相傳語
昨日堂前燕子來

閒題

金匱要略卷之四
卷二百四十二
上京七月燕雛飛紫菊花開露入衣雨霽開河秋意滿
南都應望翠華歸

附王士熙

和馬伯庸寄袁學士

白雪廢歌少朱絃詠數長天池鷗獨運霧谷豹深藏舊
地收華戟新田買石房閒情齊綺皓時論佇班揚瑚璉
登周廟宗彝畫舜裳西崐分顓氣南斗避寒芒六月灣
陽扇三秋鏡水航彈琴無俗曲辟穀有仙方玉海羞麟

補金莖饋露漿書空忘咄咄文障拂堂堂翰府聯芳遠
樞庭奕葉光名山習史策烏國售詩章節擬芝田鶴音
諧律管風寫經酌道士立塔禮空王藉草連裙碧分牘
注酒黃竹牀吟几少紗幘髻綠涼離別三生夢歸依一
瓣香升堂乖笑語在野愧才良雲擁鄞山雨潮生定海
洋何時宣室召四馬驟康莊

送蘇公赴嶺北行省郎中

居庸關頭亂山積李陵臺西白沙磧畫省郎官貂帽歌

飛雪皚皚馬羈濕馬蹄雪深遲遲行淒雲冷月邊垣明
鐵甲無光烽不驚萬營角聲如水清明年四月新草生
征人賣劍隴頭耕思君遙遙隔高城南風城樓來雁鳴

題鮮于伯機與仇康訪帖

三生文采趙公子四海聲名仇使君彈琴不作廣陵散
焚香遙駐博山雲玉署春來鶯護語繡衣人去雁空聞
龍蛇兩紙光如玉即是安西與右軍

題節婦

寒窗機杼泣秋風
鏡影鎔雲不汝同
明月有光生夜白
貞松無夢妬春紅
羅襦舊繡天吳圻
綠綺離絃海鶴空
陌上行人指華表
閉門踈雨落梧桐

驪山宮圖

翠嶺餘烟曉仗催
五家車騎入朝來
千峰雲散歌樓合
十月霜晴浴殿開
烽火高堂留草樹
荔枝長路認塵埃
月中人去青山在
始信昆明有劫灰

上京次伯庸學士韻

侍臣催講御階西雲靜觚稜曉色低地闌神仙卑兩漢
城連碣石轉三齊含香畫永閒青瑣揮草堂幽濕紫泥
最憶東山老松樹秋風應有鶴來栖

送王在中代祀秦蜀山川

太華雲連蜀棧低柳花三月紫騶嘶香浮曉露金奩濕
旂動春烟絳節齊策牘當年登桂苑詞林後夜趣芝泥
長安遊客應無數誰共王褒頌碧雞

李宮人琵琶引四首

瓊花春鳥百花香太液池邊夜色涼一曲六么天上譜
君王曾進紫霞觴

紫檀別殿鎖春光鈴索聲聞白日長不似開元教坊曲
太真微醉撥龍香

一入深宮歲月長承恩曾得侍昭陽檀槽按出新翻曲
五色雲中落鳳凰

劍舞當年識大娘花奴羯鼓漫悲傷開元朝士仍多在
應笑青衫泣白郎

附薛漢

擬古二首

皎皎機上絲織為遊子衣
遊子蕩風塵素衣化成緇
風塵不可避四顧將何之
豈不念潔白徒重墨子悲
勗哉加澣濯河水清且漪

娉婷閨中女天質知自愛
空懷蘋藻心日月苦行邁
寒脩意良勤遲遲如有待
未嫁庸何傷失身將重悔

送牟伯厚還雪

西風起雙鴻渺渺度萬山空林霜霰落各念飲啄難中
途忽相失獨留諒無歡極目送冥飛風雲逸脩翰低回
守羅網自顧形影單奮翅念遠舉天路浩漫漫空想五
湖水東風漲波瀾

送柳湯佐

太行盤據勢巖巖五馬初行衆具瞻他日去思應借冠
此時來暮正歌廉七賢舊竹風流在萬善新茶歲貢兼
莫謂名邦天稍遠飛龍曾向此中潛

和太子贊善馬祖常無題

良人執戟侍明光
誰與金爐共夕香
粧鏡曉寒凝蝶粉
舞衣春暖却鶯簧
渡江桃葉應憐我
照水荷花似見郎
歎息蹇脩無復理
愁思操手為縫裳

其二

乘槎準擬逐秋潮
却訪成都萬里橋
滄海有山皆縹渺
青雲無路不迢迢
閒居潘岳驚斑鬢
歸去陶潛懶折腰
後夜相期明月上
露臺高處弄笙簫

月中桂

靈風吹老樹婆娑輪滿旁枝長漸多萬古秋香懸宇宙
一株晴影照山河雲間銜子無黃鵠天上看花有素娥
折向人間應不識九重清露濕鳴珂

附盧亘

過黃陵廟

黃陵廟前湘水綠天寒漁郎唱巴曲沙棠舟上月蒼蒼
翠蛟白蜃江茫茫似聞清愁五十柱萬里鴻飛楓葉暮

神鴉翻舞祠門開珠裳玉袖霑莓苔玄猿晝啼薜蘿影
赤鱗夜去芙蓉冷北渚淚痕斑竹紋南風哀思蒼梧雲
山頭古桂秋露碧山下江流豈終極荒涼揭車雜杜衡
靈風自吹烟霧旌輕帆晚向芳洲泊聊薦蘋羞奠蘭酌
沅有汜兮湘有沱洞庭水落生層波徘徊獨詠騷人歌

和春詩

鶯啼燕語花漸稀天明海碧涵晴暉洛陽臺榭春色在
山陰衣冠昔人非夢雲何處燕瑤席舞雪誰家裁葦衣

獨有倚樓無限意年年烟草暮鴻飛

次韻裴都事朝回

海上瓊樓接五城人間歌吹近蓬瀛
雲移豹尾旌旗暖日射螭頭劔戟明
拜舞盡隨仙仗入退歸遙聽玉珂鳴
欣欣百草含春意得傍君王暖處生

海子上即事

馳道塵香散玉珂彤樓花暗弄雲和
光風已轉瀛洲草細雨微添太液波
月榭管絃催曙發水亭簾幙受寒多

少年易動傷春感
喚取青霞對酒歌


送省郎楊耀卿

飄飄使節出金閨
郭隗臺前此解攜
天入五溪無雁到
地經三峽有猿啼
子雲舊里風烟在
太尉家聲日月齊
後夜客槎何處望
秋河迢遞碧雲低

禁城秋夕

絳宮星淡海無波
九陌猶聞動玉珂
閭闔微雲藏夕漏
建章明月掛秋河
此身天地流萍遠
故國關山落木多

欲聽鈞天塵夢隔紫簫吹盡桂婆娑



石倉歷代詩選卷二百四十二

欽定四庫全書

集部

石倉歷代詩選卷二百四十三

詳校官庶吉士臣范逢恩

侍讀臣孫球覆勘

總校官進士臣朱鈐

校對官庶吉士臣潘庭筠

謄錄監生臣馮瑋

欽定四庫全書

石倉歷代詩選卷一百四十三

明 曹學佺 編

元詩十三

陳旅

次韻陳景思見寄

用世已無伎
高人方據梧
詞林忝供奉
客舍候徵呼
拓落需微祿
騫騰失壯圖
為文下枚孺
力穡後孫愉
春草

生湖曲晴雲飛屋隅論交尊有螳意別履非鳬擬汎鳴
夷舸重遊泰伯都山泉軒雪乳石萍淪瓊酥作鱸溪庖
近聽猿野磴紆松風吹綠鬢花雨落紅鮓佳什勤相贈
幽期愧獨踰煩君語宗長為我謝寅夫

湖上分韻得春字

君子佩明信相期湖水濱時欣宿雨霽畫舸送遊人輕
鷗集蘭渚佳樹變鶯晨山遠烟容淡日出水光新美人
含麗思艷曲歌陽春吟攜會彌歡酣適趣益真茲遊敦

德誼况乃及茲辰

題秋山圖

之子託冲隱秋山樓觀深矧茲及霜晨遐矚沈氛陰翠
嶽含白雲丹楓映青林靈溪鳴石溜野屋負層岑趨喧
事多違即曠恒愜心何哉芳月晏而我阻幽尋

題楊顯民來詩卷後

夢遊洞庭野斜月映疎星軒后來張樂伶倫吹鳳笙夢
回憶其音幽眇有餘清截竹學向人世人皆不聽南州

有高士洗耳卧巖扃涼風鳴松林石澗響琤琤何日即
與語曠然千古情

安福李氏臨溪亭

結屋負南郭清溪流屋前端居塵事少水木自幽妍滌
研弄寒鴻鳴瑟寫潺湲沙鳥時近人汀雲相往還烹鮮
茗溪毛留客坐前軒逝川道體著觀物悟微言

題米元暉漂陽溪山圖

宿雨散層巘林麓翳烟霏遙山斷復連川上初晰微我

昔因行役漂蕩秋未歸幽子喬松流邂逅啓郊扉撫景
正若此別離嗟願違覽卷遂終日溪雲欲生衣

次韻寄太乙宮上官師

端居感流序階樹日撼撼涼風起高城上有南飛翮揚
雄不徵名拓落猶遠客美矣陶徵君斂裳去彭澤

其二

我居城東南西北有殊庭病久曠冲賞懷哉松桂青曼
倩諒奇士風受火珠經雲河澹秋夕泰時明三星

題桃花鵲圖

婀娜絳花明連娟碧筠靜金塘春水多文禽汎晴影大
堤寫游踪日照華服靚萬殊各有適況及芳歲永

春山圖

春山雲木暝初日暎遙岑林霏翳高閣望之勞我心幽
逕緣崖迴飛淙響澗深芳月忽已晏誰哉與登臨

賦雲錦溪

綠水春生渚丹花集陽林愛此雲錦好蘭舟轉溪深賀

監謝軒冕載酒過山陰遙聞櫂歌發縹緲不可尋

題陶淵明撫松圖

原野涼風至草樹日蕭條杖筇還故丘青松在東臯孤
陰近衡宇薄日映曾標念其有貞操撫之以逍遙

次韻上官來復見寄

琳館薄炎熱松壇深歲年高人坐堂上疎雨落堦前潘
岳頭空白楊雄學未立定應拂塵服從子弄雲泉

楊季子水北山房

豫章楊季子語我草堂幽野徑穿雲入山泉繞舍流竹
光書帙曉溪影釣絲秋水北真佳隱誰從節度遊

方壺道士作荒山白雲圖寄豫章楊顯民

之子讀書處亂山生白雲林花晴冉冉巖瀑暝紛紛畫
此何為者持之以贈君謂宜作春雨舒卷只成文

清漳黃氏北墅

聞說黃家墅開門入翠嵐細岑依舍北流水出城南雨
暖蘭抽笋霜晴樹落柑千年讀書地更莫乞羊曇

題羅稚川畫卷

雨氣通林壑江光動野航道人巖下去茅屋樹邊涼
斷岸入秋水遠山留夕陽登臨休作賦游子未還鄉

明妃出塞圖

昭君北嫁呼韓國巫山更有昭君村黃金鑲鞍玉驄馬
分明載得巫山雲涼風吹動釵頭雁一曲琵琶寫幽怨
沙草遙連雞塞庭野花不種鴛鴦殿內家日日送娉婷
淚痕滿袖空多情漢廷自此恩信重美人身比鴻毛輕

蘇伯脩往上京王君實以高麗笠贈之且有詩

伯脩徵和章

往年飲馬灤河秋灤水斜抱石城流青城丈人來水上
揭謝蘇王皆與遊顧余濫倚橋門席斜陽半落鼇峰石
夜涼共飲明月樽醉眠更聽高樓笛灤河九曲流濺濺
自我不見今三年蘇郎又扈屬車去佇望弗及心茫然
龍門峽中雲氣濕山雨定灑高麗笠別意遙憐柳色深
歸心莫為鷓鴣聲急不才未許收詞垣賦成何日奏甘泉

人言凡骨難變化為我致意青城仙

謝氏祖孫創澧陽橋

沅陽極目雲氣昏衝風揚波鼉窟翻湘妃抱琴望虞舜
日暮江竹多啼痕木蘭為舟不可度誰幻曾淵作平路
天潢夜靜牛渚長海市朝晴蜃樓吐祖孫移山山可移
昔人不信今見之千年猶有召伯埭白面聚斂今何為

海谷

歸虛谷在渤海東八紘之水注其中不盈不縮浩無際

吞吐日月含空濛靈鼇于此負山出上有縹緲金銀宮
人間相去幾萬里弱水滿眼多迴風琴高來時踏赤鯉
少君歸去乘白鴻秦王到老不得渡嗟我欲往將焉從
子房有孫海谷子告我有路非難通只隨雲氣相上下
與子共謁扶桑公

謝徵君松巢

昔聞徵君在天目松間結巢成久留南榮北郭井里近
西枝東柯林谷幽蕙帳眠深翠露落石泉釀熟綳花浮

擬借丹梯向高處
枳句桐乳非吾求

友人記余少作圖錄之

溪村積水生寒烟
匡牀睡起清明天
隔溪暮哭人飯鬼
塍間燒錢野風起
酒旗山前雨疎疎
來禽花低飛鷓鴣
荒墳累累出新草
草長如人人又老
東門大道青陽間
可憐車馬無時閒

送鄭希道杭州路知事

幾年讀書白鹿洞
諸老遲子黃金臺
豈為錢唐足清賞

遂令幕府得英才郡中日晏文牘少湖上春晴畫舫開
我向都門折楊柳子亦寄我孤山梅

送張真人代祠武當龍虎兩山

桂館祠官持羽節名山兩地躡丹梯共誇曼倩來金馬
大勝王褒祀碧雞杵礪暝痕銷雨石杼巖秋影動星溪
蕙有椒醕登瑤席定有神光起時畦

次韻本元上人相別

君向雷峰塔邊住詩成總在倚欄時蘇堤殘柳凝烟小

葛鵲閒雲度水遲
衲子定回花遶座
高人別後草生輝
相知不似渾忘却
誰問莊周與惠施

送李盤中真人代祀江南三名山

弱水回風不受帆
三山只在大江南
使槎却帶秋星濕
仙掌遙分夕露甘
瑄玉禮神通景氣
寶香隨地結晴嵐
泰壇建論昭靈貺
老我猶能効史談

次薩天錫韻

燕南幕府文章客
澤國相逢讌集齊
酒後鱸魚霜作膾

花邊驄馬月為題，千篇傑句譜金奏。
一曲離歌聽玉啼，別後寒雲滿江海。
雁書何處落青泥。

題城市山林圖

城市山林路不分，畫橋騎馬是徵君。
樹頭粉堞連青嶂，陌上紅塵亂白雲。
水巷柳深鶯喚友，陽坡草暖鹿為羣。
滑稽誰似東方朔，更向金門避世氛。

懷慶王節婦

良人飄渺泊烟鴻，窗竹寒沾雨淚紅。
檜楫不遊淇水上。

柏舟仍見衛風中
龜文屈曲秋機斷
鸞影低回曉鏡空
贏得公名寫桓表
千年光燄吐晴虹

送朱運峰著書得官南歸

城東有客過吾廬
揮麈高談逸氣舒
金馬豈無方朔伎
石渠今取夏侯書
沙隄老屋秋楓合
海浦歸帆暮雨疎
我亦草玄官拓落
江南無地可耕鋤

元宵懷錢塘

武帝親祠太乙神
流光洶湧動星辰
行宮典禮猶存漢

輶道山河已易秦香徑至今啼木客露盤無復泣金人
紅燈幾點東風裏猶是元宵一度春

和維揚友人詩

揚子江頭水拍天人家種柳住堤邊吳娃蕩槳潮生浦
楚客吹簫月滿船錦纜憶曾遊此地瓊華開不似當年
竹西池館多紅葉日日題詩舞袖前

宮人倦繡圖

龍碧鮫綃剪秋水輕風吹香團扇底琵琶彈歇宮畫長

釵落鬢邊雙燕紫二姝誰是薛靈芸繡得金塘兩鴛似
宮奴夕殿喚更衣露濕銀床響桐子

院中間駕先還再韻和伯脩

甘泉宴罷雁聲寒桂樹吹香出寶闌翠輦遙臨秋海白
霓旌高拂曙星殘瓊城家拜銀麝賜棘院人爭繡虎看
堪笑子雲能作賦獨騎瘦馬後奚官

送王致道代祠北岳北海濟瀆南鎮

皇帝齋明守鎮圭祠官奉節出金闕北尋海瀆瞻恒岳

南涉江淮上會稽山下靈風吹桂權雲邊仙樹拂丹梯
王褒空有甘泉頌投老還鄉祀碧雞

送毛真人南還

真人不似壺丘子老去都忘杜德機太乙象文令虎守
尚方鳧舄背人飛巖扉暖翠侵綃帙江渚晴霞上羽衣
游子故園春似海客窗長日聽催歸

壽虞先生道園

衡山道士駐飛車十載儒宗出相家月下華星垂五色

人間珠樹吐三花
芝田養鶴春凝乳
蔭石聽鶯曉賜霞
朝退日長賓客醉
翠房文火伏丹砂

送趙子期使交趾

曉日承恩紫殿深
都門祖道馬駸駸
上書不奏唐蒙策
歸索寧將陸賈金
露入珠盤鮫室白
苔生銅柱象崖陰
為君臨水歌黃鵠
天北天南萬里心

天谷

東郭先生履欲穿
尋幽俄得谷中天
漁人誰去綠溪畔

山鬼能來送石泉池暖碧桃深映雨林春琪樹總含烟
後來聞有何高士傳得終南大洞篇

題雲林晴晚圖

故人別後江波綠神女歸來峽雨乾海上日花春冉冉
天邊雲樹曉團團滿汀芳草留孤艇度石幽泉咽下灘
最愛東頭小亭子聽鶯何日一憑闌

為董宇定賦杏林詩

侯官古縣多山水中有當年董奉家邑子每懷江上樹

仙人還種日邊花
珠林夜氣凝丹露
貝闕晨光散綵霞
我憶舊遊成遠別
上東門外立昏鴉

福州冲虚觀

力士持兵守絳宮
吹笙人去斗壇空
白榆城闕秋雲上
紅樹樓臺夕照中
鴻寶昔疑丹井謬
龜泉今悟玉池通
他年不跨芝田鶴
曾向清虚學御風

題畫蘭竹

美人隔澧浦
日暮倚幽篁
繁霜忽已隕
為我紛秋芳

秋荷圖

持衣寄所思欲寄不得遠水國風露涼徘徊九秋晚

題虞先生祠後

憶昔金章學士家夜吹瓊瑱泛春霞先生歸臥江南雨
誰為掀簾看杏花

題古木幽篁圖

蕭蕭木葉落欲盡渺渺洞庭生白波虞帝不還秋事晚
幽篁斜日倚湘娥

題畫

雨餘空翠轉霏霏
杜若洲邊小艇歸
久為故人臨野閣
江雲日暮濕秋衣

題扇面

娟娟翠袖倚清空
解把并刀剪雪風
一段寒香吹不盡
西泠殘月角聲中

題水仙花圖

莫信陳王賦洛神
凌波那得更生塵
水香露影空青處

留得當年解佩人

題竹石圖

藍田水曲青玉立
雨過秋光滿林濕
故人結屋傍幽崖
靜愛石窗晴翠入

題高氏所藏畫圖二絕

誰家林麓近溪灣
高樹扶疎出石間
落葉盡隨溪雨去
祇餘秋色滿空山

溪邊春樹綠成羣
山崦朝來有白雲
客子披雲尋古寺

石窗巖影與僧分

題故宋景獻太子墨竹

鳳凰山竹語秋風
寶帳螢飛甲觀空
應是有仙王子晉
玉笙吹度月明中

題羅節婦傳後

歲晚良人去未歸
堂前有客著新衣
此身只為韓憑死
化作鴛鴦海上飛

題趙吳興墨蘭

江南三月多芳草綠葉連娟映紫莖憶昔艤舟苔雪上
一汀香雨入琴清

題牧牛圖

水樹春深藏野屋鴉飛歸盡夕陽川誰知天上黃姑渚
只在南山白石邊

題耿氏所藏艷畫

五月風生水殿涼綠楊深處奏鶯簧佳人偏愛臨池坐
欲與荷花鬪晚粧

題春宮倦繡

綠樹垂垂護寶闌
床頭翠帕暮雙鸞
阿環可是無情思
又見春風到牡丹

題李學士嫩竹圖

楚雨初晴野水生
新篁落粉鷓鴣鳴
洞庭春去湘娥老
縱嶺人吹紫玉笙

題子昂江天艇釣圖

雨餘秋色滿山前
正是江南落雁天
何處故人漁艇小

斷蟬疎樹夕陽邊

為彭道士賦鶴峰

跨鶴臺高倚翠微
昔人城郭是耶非
藥珠宮觀秋如水
有客吹笙月下歸

題張氏風竹圖

湘江風卷白頭波
北渚雲深帝子過
欲采瓊芳渡江去
翠衫輕薄曉寒多

石倉歷代詩選卷二百四十三